



12346

沈氏三先生文集卷第五十七

雲巢編卷第六八文出其



王太常寺奉禮郎審官西院主簿沈遼睿達著

無像贊

普津越州永福院大像贊

淨屠之說傳中州使人知真如寂滅之法然後中州承
事佛爲聖人事佛非佛心也佛名如來佛之生也以諸
相爲佛耶是相爲妄以化身爲佛耶是身無體然而非
佛則不名爲法是有生者所以登正覺成上道也佛不

沈氏三先生文集

卷第五十七

一

川川上

滅世以爲滅也不滅不生一佛滅諸佛生諸佛滅一佛
生故支提偷婆生人以土木爲佛儼然佛也人以風火
爲身宛然身也吾謂還之土木還之風火則是佛與我
皆妄也故知我則知佛是以明慧之士以佛爲一而愚
者事分器也猶假以攝心所謂有盡爲有爲法無盡爲
無爲法者是已昔者錢氏有吳越之地事佛爲最篤文
穆王有子曰儀開府治于會稽公宮據臥龍之山儀親
以其女爲尼者三人又出其私財數千萬卽臥龍之陰
爲佛廟名曰寶積儀自爲文內佛藏中吳越國旣除忠

懿王以其族歸京師繇是寶積衰而其徒浸以散去日
殿月壞大殿之外鞠爲荆榛龍象罇側禽鼠攸居嘉祐
六年長興公來爲是州旣將大治學宮乃取寶積之舊
殿以爲孔子殿顧視其中則大像巋然在焉或謂公儒
者必毀之公曰夫功難成而易壞前人歷年而成之吾
一旦而壞之顧未足以抑浮屠而徒傷前人之功且浮
屠之法方行於天下而塔廟之役未有禁也壞於此將
成於彼使徙而歸之其徒是可省十萬之貲於後也於
是永福智印師聞而謁公願得以歸永福之正殿曰爲
沈氏三先生文集 卷第五十七 二 川文上

是殿十有六年矣而大像不能成計其費蓋千萬也今
願因公而成焉公許之爲命工度作凡傭役之費悉取
之其徒二月癸巳先遷中軀其脩丈有八尺大十有三
圍其重莫能勝計乃作橐車于陸方舟于河以遷山動
風旋隱隱隆隆人不知其功三佛以次遷逮諸菩薩弟
子凡十有二軀以及四壁楣帶奧窔之像或突或繪咸
因彼寘此小則尋尺大至逾丈皆不失毫釐有若其素
金相玉毫大緘重襦堂堂乎正位端嚴跂立之侍冠冑
櫻甲之神森然在列六月壬申迺訖工內外完具煥若

新焉觀者夔夔稽首瞻仰咸以是爲大事勝緣非偶然
脗合者不可以知見道也於是時長者之施日以大來
重屋崇崇中巖外隆爰及別殿增卑爲穹不函其力而
靡不庸是歲秋八月公去而治于杭智印始欲贊其事
迺來請文於余余方得維摩之說蹈無生法忍辱杜門
遠謝人事何能爲文顧不得已強爲之贊云金仙頌妙
相尊稽首十萬戶正法於何爲生何爲滅其一我聞諸
佛號如來大匠升天巧模畫一切有爲吾知假或盛或
衰繫其逢得福在心不在佛其二在昔王子今何往成

沈氏三先生文集

卷第五十七

三

川之文

就愛女青蓮中阿育文殊在深谷繇來所贖本虛空其

三善哉檀施非一力所願此地臻極樂種種妙香雜諸

珍我咸供捨無貪著其四彼時如來在寶積我心永壞

若不足今日如來歸道場我心歡喜遂瞻依其五願我

諸佛施慈悲咸以是心承是報世世子孫應供養長獲

饒益無時衰其六稽山盤盤翠相疊鑑水泱泱迴無極

地勢博平人物古晉代衣冠盛於此其七遺風勝事緬

可尋大士遊方諒無礙龍光有應我爲證億萬斯年示

來者其八

觀觀如來八相三十四依圖讚述
昭慶法師導集眾緣圖畫如來八相及二十四祖于祥
符寺之東堂唐杜中令先爲圖讚辭多不詳俾余爲敘
其事庶使觀者既觀其相又攷其行以崇多福焉
如來入胎在兜率宮乘白象王降于夢中太卜奉占大
福所鍾當生聖人清淨立通天爲獻食美好侈豐諸國
來賀善哉大雄

四只如來出胎

沈氏三先生文集

卷第五十七

四

四

四月八日明星始生從右脇化墮地卽行諸天降侍金
機獻誠相好莊嚴香湯潔清上天下地放大光明瑞應
所臻其何可名

取來如來納妃

始其少時王爲納妃有女端嚴名曰瞿夷往同獻華一
念不移雖云其妃清淨何爲行遊北門沙門啟機乃敕
還車以法爲師

如來出家

既將出家天神致啟方夜之半振衣而起侍衛在前神

使昏委白馬踰城玉田休止王起追及竦然致禮知其
爲神非世能爾

六如來降魔

菩提行成守是淨戒天魔相驚欲來破壞彼三玉女媵
媚天態有億萬兵不戰已敗其魔與子畫地自悔攝以
慈力皆使度世

諸天如來成道

多劫所修至于成道三時所得無復顛倒身能飛行水
火可蹈我知法身無有生老何天之覆何地之壽其天
沈氏三先生文集 卷第五十七 五 1184

人師是爲佛寶

如來轉法輪

諸天溥來欲聞我法爲轉法輪稽首歡洽昔佛滅度羣
生作業不值佛世生死百劫善哉梵王爲眾垂接度所
未度三塗盡攝

善哉如來涅槃

示疾雙林入般涅槃摩耶感夢諸天一觀付囑法藏魏
然金棺山崩河竭六種震翻諸行無常我知其端寂滅
爲樂快哉竺乾

摩訶迦葉波

迦葉尊者初修禪那一造如來爲分半座我持苦行六
塵盡破我禮雙足法藏云播金珠示因伽梨是荷傳于
阿難有倡斯和
釋迦阿難
阿難拳拳相貌端妍三願敬陳侍佛之前總持第一博
貫眞詮情無顧著爲覆右肩經稱我聞有質其傳夙奮
三昧以終化緣

摩田提

沈氏三先生文集

卷第五十七

六

川多一

始摩田提生于罽賓有大慧眼時崇勝因伽梵所說爲
法之津阿難次授爲法之輪不顯一偈繼我能仁合掌
信受善哉聖人

商那和脩

商那和修勇猛有才佛已入滅始自海來迦葉受記心
弘智開財施旣盡法施爰恢青林締構龍去不迴辟支
化緣噫嘻善哉

優波鞠多

鞠多出世後一百年其所化度與佛齊肩如來受記述

其妙緣爲彌猴主採華奉仙降波旬眾繫屍訟天摩頂
之偈何以加焉

提多迦

多迦未生先遇大聖及其出家四果已證化度有情我
法彌盛十二億眾絕煩惱病常轉法輪續佛之命孰有
去來樂我清淨慧五劫結歸對大智其應願而離云

彌遮迦

維彌遮迦始初出家眼目脩明如青蓮華得大辯才嗣
法提多海水無際我揚其波以聖傳聖平等無差雖云

沈氏三先生文集

卷第五十七

七

1181

半億其能意耶

佛陀難提

難提乾乾應化有緣天雨甘露含潤大千佛子相承牛
口是傳不有辯慧正法誰詮摧伏諸魔其孰敢前雖云
分別乃歸一源

佛陀密多

佛陀密多功德甚深善巧方便開導孔壬彼國之王外

道如林我持朱幡欲移厥心竭彼才智其口乃瘖遂化

尼乾有如球琳

伊脇尊者來示夙緣在母腹中垂六十年及其降世眉
髮皓然不汙五欲明識貫穿維其不臥聖證乃傳我無
煩惱稽首敬田
那奢受囑法藏流行閑林宴坐時遇馬鳴始論空有悟
于假名斬舌不許削髮示情爲言其理譬如燈明能滅
諸暗乃達無生

馬鳴

沈氏三先生文集 卷第五十七

八 川又川

馬鳴大士初興法樂華氏城中爲捨貪著膩吒索金請
師代醉團泥置塔佛相爰作王有大業施法使薄韃痺
之聲善利斯博

毗羅尊者

毗羅尊者大聖仰可紹隆正法絕煩惱鎖言詞方便論
諸福禍摧伏邪心如彼烈火在南天竺建論無我用破
沈冥而證多果

龍樹

龍樹大士夙通諸學無所不知強明辯博帝釋龍宮法

忍是作南天竺國外道悔惡其所論譏光明恢廓神呪
示功往生安樂

提婆尊者

提婆大師機智雄深自顧其影無愧於心國有天神威
猛難任我奪其精警服匪忱其道始行百論是欽無我
被害豈伊能侵

羅睺羅尊者

羅睺羅生體本清淨龍樹提婆嗣爲三聖維持外道鬼
書方盛一覩成誦我功斯勝降彼邪心爲之作證不有

沈氏三先生文集

卷第五十七

九

至人誰尸其正

伽難提

伽難提出號爲神僧觀其所脩冥躋三乘捨生樹下火
焚不崩巨象引之如山如陵願力充滿爲時所矜巋然
堵波來者伏膺

伽邪舍

伽邪舍生初遊海邊值大宮殿乞食于前乃有餓鬼識
其前緣分布肴膳化爲膿涎我悟無生學滅息焉受授
惟聖不其偶然

鳩摩羅獻

鳩摩羅獻名聲早著其智如海為教之主行化一國其人頑魯使集鐵馬惟我示汝其人敬信大論是布三界修行善乎筏諭

維闍夜多尊者

維闍夜多善化羣有敬持威儀佛所記受彼人作業師為之救化火為池其報乃有行見餓鬼慘然推究為鳥說因德為主首

婆脩槃陁尊者

即天親菩薩

沈氏三先生文集

卷第五十七

十

婆修槃陁善能分別導利眾生名言布列其兄無著為之辯折示疾以諭乃請斷舌著云斷舌大乘亦絕千部論師天親所說

摩奴羅

摩奴羅出博通三藏少欲知足其言演暢恒河以南外道浸廣我為法故挺身而往遊行教化毗羅振響正法不墮契我無生

鶴勒那夜奢

勒那夜奢夙明聖智具大福德人所敬事人所敬事奉

行教誨正法眼藏惟一無二蠢蠢眾生輪迴於是不有

聖師我法其贊入樽不孤富貴何為秦人燈之妙韻其

類之師子尊者甚非非之朕各患之本類臨之更果

師子比丘智慧明徹嗣承我法大振其說于時國王已

陷迷轍利劔加我有乳無血是時正法泯焉幾絕繫諸

天龍護持不滅入年若塔器之育吳蘇香亦特示

石敢零陵先賢贊并序

零陵之地多峻山美川彌亘數千里而士之生其間有

異行特操者亦不苟合惟其遠中州也故多隱晦不出

沈氏三先生文集卷第五十七

至脩身學道化爲神仙蓋其地然也余放斥于時閒居

無事采其人有可傳者爲論次其行追琢爲文辭使人

可頌詠遂至於不朽若其強聒蒙幸雖能邀寵利於一

時者皆不著豈特人乎哉苟器之有足稱者亦傳于篇

澹巖先生姓周氏諱貞寔

矯矯先生其道孔夷當秦之暴不爲世羈世方尙名干

祿之資先生鄙是非我之知名患之本祿禍之基果疏

爲食草木爲衣人孰不死富貴何爲秦人徵之蛻解其

尸方牀曲凡及其尊彝皆化爲石可隱可持千載以還

遺風曷追其言不朽斯吾之師

來且三元先生

姓屈氏
諱處靜

靈關山道人遊五

三元之山其下維穴旁通羅浮神施鬼設在昔白公逃
彼楚國厥宗來繇後氏為屈道人一生夙契仙骨幽棲
山閒功行濬發爰駕白鶴上朝金闕于今高名揭若日
月彼李氏子訪道巖窟乃得素書皆其隱訣喜未及讀
期我不歿袖之出山半道灰滅我來自西稽首致謁遺
基巋然告以勿伐

高溪老人

姓唐氏

沈氏三先生文集

卷第五十七

三

山川

我居溪旁我樂其流老猷世紛乃即于舟告爾子孫我
將我游遊不復止長川悠悠泛彼孤篷人不堪憂我方
自適魚鳥之儔豈不衣食亦過舊邱豈無其事於是垂
鉤垂三十年皤然不休我度其心於世無尤安知世閒
為公為侯維其無尤此其為優

法華道人

諱志

法華道人德完行孤于巖之下結草為廬文蛇穹龜往

來且于師不怛駭伏于座隅化是邦人我正如愚不誅
不距建為浮屠時有盜來竊其衣襦適與師遇竄于崎

輻師徐勞之毋傷爾膚盜還稽首其去徐徐年七十餘
不畜其徒苟非法器安用鄙夫一旦入滅正坐跣趺于
是末世快哉歸乎

唐氏女

諱法信

昔我真人

來迎紫雲之車白羽之屏鸞鸞鳳翔旂蓋

亭亭先生稽首上朝太清弟子何知但聞其聲瞻仰太
虛乍隱乍明頃之雙履墮于清冥寂寥故宮誰其經營
匪鳩自鳴乃唯陰兵至今二神守其門邠邠人禱之載

沈氏三先生文集

卷第五十七

三

川一七

赫厥靈維其神靈垂休我氓

申天師

天師乾乾初事軒轅盡傳其道遂至長安時其老母祁
陽之干越數千里時致盤餐維其盤餐芳馨具完母驚
其神欲往一觀天師請行有如飛翰一瞬而至都城正
歡其母不虞穢氣旁奸居于長安遂不復還後數百年
故山岢岢行朋乞福乃其衣冠

小音尤尊師

道人始來行句市廛其道若狂手持敗鞭數語市人裁

將升天身跨白龍此鞭用焉州將聞之囚于土圍有頃
已出猶如風煙復持其鞭笑語自然守兵怒之兵不得
前徐徐引去乃知其仙其始未化孰知其賢時有老校
爲之招延及其將逝遺屎戶邊化爲黃金璀璨聯拳再
拜受之以終天年

素公贈盤

懷素善書書我知其然能得此道造于幽玄始其操觚媚
于孟槃厥功之成其盤三穿在唐中葉號爲多賢草法
之妙未暢其傳迨我律師落筆翩翩學士大夫爲之嚮
沈氏二先生文集 卷第五十七 齒

焉才逸氣豪辭藻相鮮遺風至今清如流泉嗟我白首
來游湘川過師故棲訪其遺妍有塚嶙嶙有池淵淵不
矚其人唯餘蒼煙

白鶴觀鐘

白鶴之觀在祁陽東先生上升此其遺蹤爰有信鐘甚
寬且洪一旦風霆躍于江中黃冠震驚鳩僦水工探泝
索泐其誰能窮時有巨商昭潭息風夜夢道人記身江
篷曰惟祁陽乃吾之宮其人闖然上銳下豐且而求旃
長江溶溶斯鐘偃蹇乃在水衝視其款識與夢實而謬

載以歸駭我眾聰文彩煌煌上蟠二龍至今大聲與天

相通

宗元

東方阿育王塔

在福田虛山上

東方有山名曰福田其下維虛旁流三川蒼煙白雲上
巉青天乃有屋堵壓千層巔世傳育王道力無邊神兵
所造八萬四千惟是夷人如鳥獸然不汝退外亦攝善
緣金輪土標力士四旋天龍護持何千萬年何千萬年
陵谷或遷維是聖功不崩不燹

昔有煙塘老人

沈氏三先生文集

卷第五十七

五

川〇文

昔有漁父煙塘之瀕以魚爲生聚居成羣適有白鰻戲
田之津或捕獲之速我諸鄰將以爲羹乃覲老人曳杖
而來布衣縞巾爲語諸君勿烹是鱗是乃爲龍湘江之
神咸以爲誕吾羹方珍芼以椒蘭和之甘辛莫不厭足
笑語欣欣老人復云禍且及君有頃大風震電鱗鱗曾
不旋踵陷爲齧淪惟是老人爲示諄諄龍豈不靈乃時
之屯

子厚

姓柳氏諱宗元

我游愚谿我思若人孰使之文而罹其屯譬彼繆琳誰

不汝珍一毀于琢遂投窮津孰賢而昌孰拙而湮唯其所遭毀譽乃振子厚之賢胡不是循泣歧叫閭猶幸一申或怒或嫉越十二辰曷若其默以休天均我來溪旁想其風神陰岷之竹不瀨之蘋卅世以還半爲荒榛當時寵華俱爲黃塵世或爲名有儻有真誰如子厚軻雄之鄰

零陵王祠

姓唐氏諱世旻

五代之亂天步失綱兵纏九有厭于奪攘孰順不賊孰暴不昌踰五十年相爲侯王惟我唐王孔武且強威神

沈氏三先生文集

卷第五十七

去

川又川

赫然萬夫之防一旦起兵其眾攘攘遂殺州將宅是永方馬氏之興剽悍陸梁我屈于眾乃天之亡方其就擒怒氣抑揚巨刃穴胸不仆不僵已而爲神白晝旁洋福禍我民克相彼蒼迨我天朝父老獻章爲之請封乃封故鄉作我王廟在江之陽春秋祠事白醪駢羊坎坎其鼓幽幽其篁孰敢不虔祀典是將

陶公

諱岳

越十二

風甚苦其

熾以於天

其

其

陶公振振好學有文自其少時已拔不羣晚爲諸生益肄厥存旣陟士籍業履孔塵遂爲聞人期于青雲通籍

郎曹厯刺江濱其才有餘不忘典墳有志舊史荆湘是
論惟是故州總記羣分子長實錄更生博聞於惟陶公
挹其清芬詳述備言貽彼後昆卻視嶠壽乃穫乃耘使
之執鞭彼猶欣欣

進賢女真

姓何氏

進賢之阜東江北漳青林白砂煙雲霏霏先生下翔蠶
令英徽時會三女若夢而飛以食我桃妙齡不饑大道
不晦至人發揮晉公南遷順風有祈示以金鏡識其仙
衣清風泠泠潛光隱輝亦或不逆露我天機冥數有期
沈氏三先生文集 卷第五十七 七 川。一
人將疇依尸解示變如蟬斯飛我游南岡觀闕巍巍簪
履如此孰搏其微

太平和尚禮塔亭贊

在常寧山下

道人乾乾行化湘川禮是塔者十萬八千時年七十行
解妙圓作亭山下開示信緣

楚興禪師貞贊

堂堂者誰咄咄者誰以爲是者不識以爲非者不知圓

融孤峭繪素何爲繪素何爲稽首導師

南巖導師贊

堂堂導師生于閩粵齟齬出家妙相奇骨爲一大事應
期而出佛修行時迺始落髮初參西峰器識旁達周旋
五年行解微密行化大和名聞已徹大江之涘有蛟爲
孽無有善淫舟舫聯沒師爲黜伏龍洲始謚至于黃梅
夏暑道暍王人來告乾溪方絕其眾洵無以盥啜爲
投妙偈洪流乃決遂造武平彼豪致謁我邑南巖有如
耆崛請師宴坐少駐巾鉢夜有巨虵驤首來奪正眼一
視虵乃蟠結復有辰虎咆哮猖獗師不爲駭虎亦馴率
天人悅焉請見立刹師緣默契布金營茇乃脫伽梨衲
沈氏三先生文集 卷第五十七 式 川文二

帽直裰戮力僇工神鬼剗劂不日化成小大訢悅四方
歸依奔走竭蹶時苦大旱田畝焦渴乞偈致雨笑許其
說頃之澍雨利均塊坵牧牛于野數困虎啣牧人羣訴
爲之軫恤時有青猴往來式過蕃息十年大資耕撥已
而猴死夜夢于閣從師乞名請建廟室名曰金成享之
䟽糲垂床彼牧其祀方秩師所導化洞言凶吉或請于
師天機勿洩時師肯首因是結舌遂不復言人無以伐
彼守羸提謂我顛越捕繫廷下面加訊折神色安然不
自辯別視帽投火火方烈烈火滅帽完守怒愈疾遂以

爲妖塗之汗血有熾其薪帽益光潔彼乃悔罪訟其凡
劣惟彼南康盤山嶺嶧佛院彼利昔所布薩爰有石泉
一旦汗蠟石泉之下神讖先述後五百年此泉當室有
白衣來乃定光佛彼眾發讖奔走迎屈師以舟往雨華
膠轕江流之下乃有斷枿舟楫所觸必湛于汨往來爲
害師爲一撥順流而去巨舟斯豁山已無泉龍象蹙額
師扣之錫其泉乃溢留止三載法筵益設河源聖船久
廢波瀾屢竭人力其誰能拔南海建塔將運羣物不有
巨舸厥費屑屑或請于師師以惻怛授以偈往洪流夜

沈氏三先生文集

卷第五十七

五

川文止

發載浮于江塔工斯畢彼徒不道假于賈褐厥載未濟
暴風軒突不知津涯敗我溟渤遂良出守敬聞名實稽
首門下就弟子列具厥神化獻于帝闈乞名題寺均慶
是揭潭龍不害年登人逸王贄奉使方冬無雪懇請未
終瓊瑤交戛數日未止淖我使節王復來訊乃大霽澈
自時厥後恭事惕怵有或不虔莫不相詰始自七閩上
達京闕公卿士夫悼穉耆耄咸來致禮以祈度脫大中
乙卯正月六日正其生時稽首辭訣八十有三泊然于
滅圖畫毫相端嚴昭晰瞻仰如在孰有孰弗妙行聖上

巍峩織悉世所傳聞萬分之一我贊以偈文辭鄙拙有
如泰山揮以毫末南山可勵北海可竭南巖道妙並明
日月人京玉露輸心願血食遊世幽明超敏太極崇赫
士空富池贊忠敬令平華蕪落日劉以余近聞人輒
昔吳祚命奄有江東桓桓將臣時惟甘公公當少時任
俠專雄負旄帶鈴肆行暴凶踰三十年迺始變風折節
下士欲希大功西赴劉表表方憺曹去依黃祖祖亦弗
容迺歸大帝武昌之宮英毅維瑜武烈維蒙三公合薦
協于帝衷公論荊州兵弱易攻叢爾夏口猶如蒿蓬我
沈氏二先生文集 卷第五十七 辛 川上十
拔夏口楚關一空必取荊州遂規巴邛時帝大悅予惟
汝從遂拔夏口其言信充使屯當口威震軍中帝曰興
霸卿惟虎熊從戰赤壁追奔折衝固守夷陵擔當穴胸
益陽之瀨壽亭辟鋒濡須之出曹公失蹤皖城先登斬
彼元戎合肥失律寔祐帝躬有戰必勝無謀弗庸愛育
士卒傾財任忠迨今千年威名日隆以余所聞人神道
同爲人克正爲神必聰血食後世幽明咸通太尉崇秩
有裛大封虎旗金節曲蓋瑠弓大江之下祠宮峻崇千
舟萬艘誰敢弗恭粢盛潔脩牛羊碩豐風颺不驚川流

溶溶我昔南下言瞻峻墉感歎盛烈弗磨弗誓因卽舊
史纂其初終昭示後人永永無窮

朴正王右軍觀鵝圖贊

右軍清豪不降不汙後世何知獨觀其書

向風王武子觀馬圖贊

武子豪雋世稱馬癖殊勝癡叔牀頭置易

於敬西峯和尚贊

五臺之山聖凡混同迺惟大士肇化西峯唐室下衰羣

生困窮師始振錫于江之東始次秋浦宴休禪叢指彼

沈氏三先生文集 卷第五十七 五

窳堵當興勝功一弄鐵笛龍吟夕空至人難知是爲凡

庸時有鄭傳祁門之雄假竊位號擅其疆封師觀昔緣

往造軍中一軍盡驚標戈挾弓鄭亦惶駭遣謝弗通師

顧使者往諭汝翁惟昔有緣乃來相從鄭亦感寤欣然

向風瞻望毫相光明粹融垂髮被額猶如兒童面布七

星其言雍雍鄭雖暴戾爲之致恭遂獻土差以爲祠宮

休止門觀幽深峻崇申警戒嚴實備弗空師爲鄭言

彼山穹窿吾當往視乃營厥玉遺我芒屨置于西墉中

夜寂然鄭窺其權己不復見香花重重鄭大悔恨內懷

怔忡甫且師在曾無動容視厥苦屨實徹且堦道其所
歷山川奔衝坤山卓然水流石碣三十六谿谿光溶溶
吾得其地蒼煙鴻濛旣留我錫于彼巖松鄭驚其神使
按厥蹤往反越月其言信充鄭始震驚內訟頑情彼土
方災疾氣相蒙師取盂水佛慈感通以施平民救其鞠
凶始徹膏肓遂起疲癯小大踴躍幸甚會逢師忽謂傳
吾當暫去西北有災卽當往度鄭懇留止曾不復顧乃
升靈山極其峻處誅茆結庵聖功潛布土人或知乃來
飲哺瞻仰高德眾所依怙時鄭中衰羣凶不附數困侵

沈氏二先生文集

卷第五十七

五

川文三

軼實懷危懼躬遣信介乞其來助師亦惻然乃旋歸馭
敵人在竟師命徹成一指其兵兵皆亡怖散走折趾鄭
營安固遂入西峯安穩善住無有遠邇或老或孺凡所
度人至于千數天方驕旱踰時不雨人或懇請必蒙甘
澍惟時吳王治揚爲府赤地三年羣祀咸舉歛有汪王
實食其土吏奉王命歸于神主神夜夢吏吾豈弗預豈
如西峯威德弘普乃大聖人實通帝所其馭五龍誰敢
齟齬吏夢旣覺乃大驚悟來懇于師師曾弗拒歸語而
玉雨今可埒大雨三日橫流明畝王心欣悅有懷欽慕

山無信鐘師潛有募得其信人乃下秋浦三日而還洪鐘在虞上有款識五臺之鑄吳王營齋求福其嗣爲無遮會以祈善護師心默知飛鉢來赴越數百里有如跬步齋未及半王啟其故乞名大眾大眾未諭師起下座顧謂王語名曰凌藤以承汝祚吳王惘然不知其趣訊其所來祁門之下王以爲誕延之別廡訪諸祁門無一言誤王大崇信請延巾屨請建道場了不可駐錫之紫袍亦不一御願得美錦以爲信具遂獻美錦易其綈紵裝之金錢蠲彼租賦當是之時人識佛祖及師之還鄭沈氏二先生文集卷第五十七

三

川七上

疾以固己而鄭死臨其冢墓天祐三年六月大暑召集大眾吾將西遡慎無治事厝之故宇後有人來當知所措其後三年有僧甚倨直造堂上發其蒙覆顏貌容色不愆于素出而焚之祥光載路奉彼遺骨手自塗塑像成僧失若無所遇相好巍巍慰我黎庶載祀三百道化彌著世所形容乃其龕粗繆述爲偈顧奚云補惟是機拂庶永終古

沈氏三先生文集卷第五十七

沈氏三先生文集卷第五十八

雲巢編卷第七

太常寺奉禮郎審官西院主簿沈遼睿達著

雜文

張季鷹東歸圖贊

季鷹道孤翩然歸吳誰知其志止為鱸魚

秦穰侯就封圖贊

秦相出關其車千乘將歸于穰道路疲病范睢何人贊

中餘命不煩半策奪我權柄

沈氏三先生文集

卷第五十八

十才子出關圖贊

正元詩客遠涉山林羈棲窮愁不忘嘔吟當時貴人華

屋歛淫無有丹青能傳子今

王子猷訪戴圖贊

千巖萬壑合為一谿中夜大雪玉華渺瀰欲訪若人揚

船水西飄然興盡吾將歸兮

道林二頌

眾生不解修道便欲斷除煩惱煩惱本來空寂將道便

欲求道但一念心卽是何須別處尋討大道曉在目前

迷倒愚人不了佛性天真自然亦無因緣修造不識三
毒虛假妄執沈淪生老昔時迷日爲晚今日覺時非早
我今滔滔自在不羨王公卿宰四時猶若金剛昔樂真
常不改法寶喻於須彌智惠廣於江海不爲八風所牽
亦無精進懈怠任性浮沈若顛散誕縱橫自在便使刀
劍臨頭我自安然不採

沈氏三先生文集

卷第五十八

二

川一七

色言語言語卽是大道不假斷除煩惱煩惱本來空寂
妄情互相纏繞一切如影如響不知孰惡孰好有心取
相爲實定知見性不了若欲作業求佛業是生死大兆
生死業常隨身黑闇獄中未曉悟理本來無異覺後誰
晚誰早法界量同太虛眾生智心不小但能不起人我
涅槃法食常飽

紉錫姐已冠帔圖

昔殷王紉寵嬖之妃名曰姐已時在沙邱錫之冠服誇
示以禮嬖其容洌洌其止二嬪侍側龍徽金几巧工

圖焉窮其俊美其工伊何維周昉氏

古人蘇州承天寺永安長老語錄序

余昔遊江南上下廬山西走泐潭造黃檗傍淮上歷訪諸祖道場出金陵還吳越大底江南名爲達者余皆已知之矣後二年之荊州荊州尤多古精舍余嘗觀古記所載名德碩老多出於荆衡襄漢之間余在澧陵最久澧陵一障乃有夾山樂普欽山龍潭層山五天寺南臨藥山北望玉泉聯延不絕當其盛時海會山積上下皆數千百人地勝勢劇至于今承嗣不衰爲其師者莫不

沈氏三先生文集

卷第五十八

三

川三十

推擇其人余旣從江吳淮楚之士相與往來蓋已多矣然其可者纔二三人古人有言如沙中金不其然歟夫太陽之昇于天明者視其出沒中晏豈不坦然哉至瞽者待相而後知與明者固亡別矣明與瞽易識知與否難言此叢林所以紛紛也維摩大士神通自在其說雖多然不可刪世之學者樞機一發便使人掩口不暇已可厭矣蓋其心有達而言無多寡世之人獨知蹈襲古人言辭應對疊疊如影響之相符以爲其功顧何異於數寶者哉不惟不充於外其中乃惘惘爾悠悠爾至

於達者則不然也永安禪師名崇智吳人張氏子初受具卽出遊諸方先受記囑心智默了遂爲五祖戒禪師之嗣戒師者先雲門三世孫也旣獲五祖印可乃東歸于吳初住文殊還永安師爲吳人而繼主吳二道場其行乃自弱齡至於耄老有足伏人者不然豈其州人推尊之哉一日弟子崇章出其所以開示於人若弟子者爲大軸囑客不遠千里而來請余爲序異哉余豈知之者歟昔如來以正法眼藏授大迦葉蟬聯法緒以傳子今爲佛爲祖豈一人哉然迦葉不能知世尊三昧況其

沈氏三先生文集

卷第五十八

四

川上文

他乎了則爲得味則爲失所以爲難者非特在機辯也余方在朔野沙塵之中延首以望居以不得一接其風味爲恨古人所謂說尺不如行寸余觀其言與攷其行豈特尺寸之間也若夫陟高坐運象牙奪無得之一辯伏六道之士余不得而聞之矣是斯錄也所謂扣宮而宮應之隨機之義如是而已余欲見其人以是觀之亦何必在名山古刹之下哉崇章所傳甲乙次第如右治平貳年玖月拾七日序

彭城太尉詩序

太師彭城公五言詩二章跋狀後一帖在明州寶雲道
場始吳越時太師公以諸子胙土四明每訪諸道於尊
者旣入朝數以手札拳拳致焉尊者諱義通新羅人初
以其學造螺谿法師說華嚴大旨頓悟卽謝其徒傳天
台教觀遂爲一代法師其後門人有若知禮有若遵式
式號慈雲大師禮號法智大師是二人者皆傳其道法
智之後有若本如有若崇矩有若尙賢有若梵臻慈雲
之後有若祖韶而天台之妙遂達於天下余昔過道場
見正公正乃臻公之高弟而法師之曾孫也因觀太師
沈氏二先生文集

卷第五十八

五

川上

公手墨愛其清健雅麗有足尙者正方且勒諸樂石遂
請余題其後蓋太師姓錢氏諱惟治字世和少好學善
書在藩時夜夢朱衣人以土壅其頰頰云是金天王使
者及西遷出刺華州踰貳拾年乃驗官至神武統軍贈
太師載在國史云熙寧五年十一月十六日序

花藥字序

禪師初出家依萬杉宣公宣公爲一代老德以爲法器
也名之曰義然已落髮受具密示心印行化諸方凡十
有七年止於萬壽始轉法輪爲人天師後十年遷于花

藥與余會於零陵爲法樂之友而禪師所以表德者有所不稱請余易焉余謂以無爲法者其未然也義無乎在及其然也義無乎不在經曰諸法如義不其然歟若夫爲一大事出現於世不能大濟含識者定非佛子其所然者亦嘗大濟於人乎請以大濟表德昔馬祖謂丹霞曰我子天然遂名天然萬杉之意正謂禪師能默契諸義有足然者乎苟曰然無有是處因箸其大方以示知者

阿耨達池右繞圖序

沈氏三先生文集

卷第五十八

六

川上三

釋氏右繞久矣自允堪律師亂之於是始訟堪不能離其義而入滅師堪者張爲奇說而世人或疑之於是淨戒基上人出阿耨達池圖而疑者泮焉西域記云阿耨達池東面銀牛口流出菟伽河繞池一匝入東南海南面金象口流出信度河繞河一匝入西南海西面瑠璃馬口流出縛藟河繞池一匝入西北海北面頗怛師子口流出徙多河繞池一匝入東北海南山宣律師方志云阿耨達池唐言無熱惱池也東有銀牛口出菟伽河右繞池一匝流入東南海

上加右字
餘皆類此

所謂右繞者東迴

南轉也東迴南轉者繞池匝而後入于海東迴北轉者
繞池不匝而遂入海絲是而言東迴北轉爲右繞者謬
矣世之學者當以西域記與方志爲信云熙寧元年六
月望日序百里觀風人之林深寒空谷常留世人

四明山有大長老曰修己初居太白峰能行其道不履
世事十有餘年人無識者然人莫不聞太白道人有至
行天聖初步下太白峰始遊是道場其主者瞻望毫相
知其爲太白道人也稽首致禮請事巾履乃曰吾之先

沈氏三先生文集

卷第五十八

七

川

自石牀來我先師有言是爲大福地當有至人來然後
興師逮是不可捨我去矣師心已默許後數日州大姓
與諸佛徒凡數十百人來造牀下上州所具疏請以時
說法當時在會者莫不瞻仰歎伏側聆法音皆以爲登
佛道獲本心也由是爲善者知所恃焉其地在四明山
之中四旁百里曠無居人土瘠氣寒逾春常有積雪方
夏時水泉流行舟車不通者或越月踰時故人迹罕至
師之居也益日得其道而遊方之士以一語一默請留
門下者蓋不可勝計至于閭巷耄倪莫不鄉往願事其

人州人既將爲師大治道場乃請于天子敕賜名延勝
後二年州易守守欲屈其道以爲不近于世師遂去游
衡岳轉運使貳部張公夏方假守錢唐雅知其道爲高
妙卽強邀止之迺啟龍興之法席明年明守罷州人乃
相攜持奔走東嚮蹈重江而請于錢唐於是復還也益
來攻甚力至于今甫二十年乃始大備自一椽一桶莫
不精壯業業崇化成焉嗚呼後人非吾師之道入人
之深孰能臻是歟後之人遊吾門矚吾奧有不待開擊
而了然明徹者則知是道場爲吾師其不可終已若吾

沈氏三先生文集

卷第五十八

八

川上三

師無上之道三昧之功門人之所傳者不著于是乃記
其因始僕何人而足記之哉欲叩諸空而不有欲質之
文而何云不恥蕪穢爲之辭曰

吾聞如來號釋迦初談正法居耆闍諸祖相傳浩無涯
迺自達摩來中華曹谿信具闍堵波鐙分水別相聲牙
爾來百世敝所加浮圖布列如河沙法本爲論返爲華
大乘小乘立名家不求諸心旣已差乃至妄說實亦邪

其一

善哉大士釋之雄五十餘年功行隆初住太白最高峰

善哉大士釋之雄五十餘年功行隆初住太白最高峰

草衣泥食樂我躬降于延勝何名同誓以度脫嗣佛功
大音一振豁羣聾汝昔孰曠今孰通四眾稽首欽道風
願以金帛明精衷崇飾師席配佛宮千百億費誰汝庸

其二

重門嶙嶙揖朝陽金刻大篆揚天光正位隆隆仰法王
惟以牟尼非他方臺觀飄飄勢欲翔海鯨怒擊洪鍾揚
修廡連連挾兩廂華旛不動天樂張法座湛湛伏象王
祖意不道何有亡庖廚修潔來眾香甘露味美不可量

其三

沈氏三先生文集

卷第五十八

九

導師無作何爲斯憫此像教將陵夷如來本願在慈悲
故爲羣生作歸依厥初開山知爲誰成是大事吾不尸
於彼於此何有疑佛土內外增光輝吾知後世永不衰
何在勇施陀羅尼鄙夫無能讚菩提有愧句偈垂豐碑

其四

杭州吳山英烈王碑

余觀太史公所記王忠烈甚備而左氏春秋左氏國語
世本戰國策其錄尤博而辭意尤精明然其出不一頗
相乖連吳子之伯也忠臣謀士寧一人故而太史公獨

爲王作傳趙曄作吳越春秋大底皆王功烈其名與吳相盛衰嗚呼王之忠毅志節機策雄勇不能超絕於世孰能臻是哉方其患難窮阨時不能比於人而不死死非難也維王之所隱忍者知必有所成就也至於逞憤忿窮威力出人之不能何其偉哉余以謂有志者必能先信其己而後能信於人信其己者內有統也信於人者外不屈也若其不能信于己則決不能信於人是以致知才之難也若王者可謂有志矣至其所趣則難與爲仁焉使夫愚闇偷生之子狂獍強死之人仰聞王之風

沈氏三先生文集

卷第五十八

十

川又上

采其有以激於中乎不獨彼一時也至于今百世可知也生則饗大位死則廟食不絕誰爲不宜嘉祐八年春正月吳山新廟成某日太守行祀事維廟有碑而不刻其雄名盛烈使晦于史策而不顯具瞻余乃卽太史所記刪其枝辭十五而增以他書凡三倍遂以刻焉系之銘曰新我王廟自我黎人以祀以祈以媚于神維吳婁豐人安以嬉時報神饗春秋靡違大江沄沄有擊其潮俾安其碕毋使我勞人肆厥心或善或淫不縱其尤助天匪忱麗性有碑我篆其休有赫王威在彼道周神功

在人人報于前寢隆有光保其萬年人味是節定錄

天慶觀火星閣記齋勸錄奉文空懷玉誓文題錄

三湘之閒惟永爲奧區土俗朴甚不雜五方之民故其人純一而少事然歲多水旱之災不沈溺則灰燼民生艱焉雖其人知爲善殖福樂於施與而不蒙神明之祐者蓋其誠心有所不至也爲老子道者與羣姓聯閭閻養妻子其祠宮則狸鼠之所穴也爲浮屠道者與羣姓通商賈逐酒肉其塔廟則屠膾之所聚也主善者孰不知老氏本清淨釋氏有齋戒哉不以爲非也至於身汗

沈氏二先生文集

卷第五十八

十一

十一

巖而禮星辰含膏血而作梵唄此神明之所弗祐也玉笥山道士王舜卿謁衡岳還泛瀟水而上將造其宮則門戶皆蓬藂也訪其左右則閭無人者久矣於是造州而求寓焉太守李侯方崇其道卽命有司拔爲之主由是州大姓欣然鄉往之知其道清淨爲可尊也居閒念所以弭災患而祈福祿者卽其宮而祠火德焉蓋其地直南方也元豐三年三月某日閣成其上建火星像旁列九星合祠焉其下爲齋修嚴奉之室則王君之所居也王君處身潔清儵然能履其道與人和易而多禮其

主祠於是也吾知其將至誠窳天關祈福憇下羣氓神
格其祠人安其廬赤龍不驚回祿伏藏禾黍豐登牛羊
肥字然後爲善殖福者爲不誣矣不寧維是也又將化
及狸鼠之所穴屠膾之所聚皆爲道場道入釋子咸安
其教使爲福者知所依鄉則其善報豈少哉始余爲謀
其事趙郡李述修以告諸大姓乃克成之爲閣者名氏
皆列左方以示後來

花藥山法堂碑

花藥山之崇勝寺法堂成或問法有堂乎有堂所以爲

沈氏三先生文集

卷第五十八

三

同上

眾也諸上善人欲聞我法者當是之時如海之會如雲
之合無有際止然後法有堂焉諸佛不說法諸祖亦不
說法何者名法以有爲者一土一木皆是真如以無爲
者天宮龍象蓋亦土苴求我道能達此事者若瞽而明
若聵而聰吾與其能知而未必其能行也熙寧捌年大
濟然禪師自萬壽來始以無二菩提開導有生直造佛
祖天龍悅焉諸上人者以故堂庫圯爲不稱也於是石
州之大姓長者相與謀而作新之以其九年丙辰秋七
月鳩工度材距明年夏五月甲申落成其崇九仞厥廣

八十有五尋其王與費以億萬數至不可計噫其壯也
望之屹屹然視之潭潭然登之廓然處之泰然在會之
士莫不瞻仰贊歎以爲禪師道力之所化成者非一手
一足之功也元豐三年余爲湘南客始聞其事旣又造
其筵爲禪師道維摩默然之義俱胝一指之機曹谿有
無之對南陽卽現之化於是堂也其猶上下手之閒乎
欲著不朽以偈贊之其辭曰

阿闍佛塔孰知其方優曇鉢華未聞妙香贊歎希有如
不吉祥然公之堂乾乾然公應化三湘利樂天人成是
沈氏三先生文集 卷第五十八

三

川上三

道場望之屹屹須彌之岡視之潭潭滄海之洋如鵬之
運如翬之翔莊嚴顯相業業煌煌法鼓朝鳴大眾瞻相
雁進鶻立白豪妙光龍象護持兩華紛揚巍乎不動萬
法之王衡山之左二水之陽爲功爲德俾于無疆

三遊山記

余卜居齊山逾月欲一探左史洞而不知其地四月丁
巳會公華德相至遂召唐生者俱游焉出延慶蘭若旁
山東行北上數百步觀李氏書堂遺趾益北去委蛇由
谷閒道滋峻多叢竹高木時有佳花赤白芳菲襲人不

遠三四里地頗平土下石壁閒欽巖丈餘直北不知其際皆蓬蒿無人迹崖西徹陽氣生草木其東平峭潔白雨露之所不至也德相欲題名索筆不得悵然者久之左之右有三洞或可入或不可入是謂石燕洞復南出循山北上豁然望青谿圩田直池蕩樓觀窳堵若圖畫下山西皆峒嶒怪石有一穴甚峻欲下不得道架桓其下以謂不可登良久迺蹇荆棘躡顛石得上慄慄如履鋒刃且首步極危殆至洞下崑勢若彫斲實天之成俯聽水聲泠泠將下窮其淵取火者緩不至迺止是謂石

沈氏三先生文集

卷第五十八

丙

川三十一

虎洞下求左史洞失道陟降崖坂頗厭苦之已迺識其處石巒巒若深池四旁相若欲下不敢委藜而引蔓般跚乃得下觀杜牧之與張公子題名字頗泐滅吳仲庶與張伯益游復作大篆題之此洞后也北望石下有蛇竇竇口才廣尺有咫俯身伏入蜿蜒象虵行乃得至洞中寬聳可容百輩有遺骸焉直北出山頂日已晡矣乃謀還前塙截山腰過書堂觀涌泉遂歸且將僦工與浮屠者爲棺其遺骸而瘞之公華姓夏名琮德相姓馬名永譽時元豐五年壬戌也

四月己卯潤之公闢德相來會余將爲九華之遊也方
食景德超禪師與明推照上人至及行有陰雲至石堵
已微雨寺在青山下直望金雞峰高木數十畝始成于
熙寧中寺甚壯麗與其僧徽語九華迸徽云適自靈觀
來水漲而橋絕矣馬濡首僅得渡爾德相銳欲往不聽
徽云今夕雨水則降小槩桓可也明日雨不止遂先至
龍潭出馬牙市南行觀民家攤楮爲紙皆卽其溪流有
足佳者至其寺山甚峻宛宛匿其寺地微隘耳龍潭水
沈氏三先生文集 卷第五十八 五

出寺東引其一支正東廡作小山爲水戲其流匯爲谿
四旁多洲渚寺僧云昔皆美田爲泮水害遂不可治潤
之指其尊府天章公所卜築書堂處但餘竹樹如毛無
復故基也游龍潭還德相猶欲往九華而雨勢未已願
以爲恨將至清泉數十里爾猶苦泥濘不可乘遂出銅
駝亭過公受山居小飲迺歸潤之姓滕名希仁公闢姓
夏名暹公受迺其兄名某者云至

其三

九月癸巳處善邀余游九華卽上馬行至石堵寺日已

夕矣月旁死魄多浮雲與寺僧步松林閒索索始有秋
氣明入靈芝驛朝食過五谿寺觀前日涪水道民田半
爲砂磧其所滅木往往合抱大石如車輪御者云方水
作時是木與石如斷芟如流沫爾今谿流益南去不復
出寺下矣過曹谿寺寺在山麓澤中有白鷗數十往來
與寺僧甚狎余語處善李太白在黃山聞胡公有雙白
鷗能馴養之就手取食太白訪之胡公遂以贈太白唯
求一詩太白欣然會其雅意因援筆三叫文不加點以
贈

黃山在秋浦南百八
十里事在翰林集中

余謂處善寺僧不如胡公也日

沈氏三先生文集

卷第五十八

六

x o 8

已暮迺次會莊已有微雨所見九華止一二峰爾昔滕
大夫爲余言欲觀九華至會莊可槩見不待登山也登
山迺自爲境耳明日先上頭陀寺寺甚佳乃唐王文季
書堂上有五粒松蔣穎叔爲青陽令時題其壁閒云昔
金地藏自新羅浮海來庵於左山卽化成寺是也松種
出新羅至今生子可食與他松異矣至寺卽大雨旁具
左下食會莊迺上觀音峯上山甚峻松竹夾道雲氣蒼
蔚跬步不見人臨觀上下二雪潭其巔飛瀑下淙澗中
常如積雪寺僧云春夏之交尤佳其旁數百步無暑氣

也復上數里幾山頂迺至其寺亦有穎叔題處今餘三
十年如新墨餘無佳士名迹出寺後數十步得觀音崑
無足佳者且將踰小壟過劉道人庵會大雨從者云道
惡不可乘乃歸堅上人云世傳此山爲雌山有游客輒
陰晦自匿如羞澀者出山三十里至慕善陰雲皆潰散
望九華正如屏突兀峭拔不類他山處善云於是一觀
亦足矣滕大夫云九華有名自太白始太白所名者止
九子峰也其他仙人峰蓮華峰側峰雙峰各自有名世
人合爲九華未必是也今欲質諸山下無足與語者姑

沈氏三先生文集

卷第五十八

七

川二十

識之是行也涉五日才得其一二所未至者續訪之處
善姓曾名孝蘊九華乃其別業也

沈氏三先生文集卷第五十八亦存錄殊艱全錄二
十年成陳墨翰無卦士洽救出若於薄千赴得購音
無取卦香且無能小靈強隱散人緣會大雨於香
惡不可乘以疏聖土入云世傳此山爲雌山有遊客輒
陰晦自匿如羞澀者出山三十里至慕善陰雲皆潰散
望九華正如屏突兀峭拔不類他山處善云於是一觀
亦足矣滕大夫云九華有名自太白始太白所名者止
九子峰也其他仙人峰蓮華峰側峰雙峰各自有名世
人合爲九華未必是也今欲質諸山下無足與語者姑

沈氏三先生文集卷第五十九

雲巢編卷第八

太常寺奉禮郎審官西院主簿沈遼睿達著

雜文

龍游寺宴堂記

金山在揚子江中流南直蒜山渡視丹陽城下人物皆可識其望揚州山川隱隱如屏障而白沙在其西飄帆舳艫夕至順趨大海波濤洶湧雲霧晦冥雖在數百里外止于一瞬也四方之游士始望其山峻特不羣其上

沈氏三先生文集

卷第五十九

一

川州文

翠微森森如冠帽珍禽翱翔雅音不絕其下魚龍出沒千變萬化莫知其際及登其閒重樓複壁橫出慢迴顧瞻眺聽氣象雄壯眇然不知其身之在世網也近世衣冠人物多出於東南而往來金山者冠蓋相望于道丹陽太守有重客乃出遊其上爲雅集而皆設饌佛右雖過客欣欣莫不爲止而前爲主或病之今長老寶覺師住持二年始作堂於其東以延太守者囑客以其意請名於余余爲題之曰宴堂語其客曰若宴者豈特爲太守宴哉上人所以宴坐也日出而人境誼譁醜酒擊鮮

慢舞天歌而賓客驩然者太守宴爾江無巖山氣清冷
寂不聞世俗之聲而虛白生者上人宴也余以爲在人
情者不足而今有餘而寶覺師是能爲轉物者耶無以
吾言爲是而所以是者在此客以爲知言請以示其師
因以敘其柄云熙寧五年三月八日記

翰林唐公祠堂記

公諱詢字彥猷性高介中勁而外莊與世寡合少慕賈
誼劉向之爲人以憤弔世故爲意及爲御史遂欲行所
聞正色糾劾無所顧避其後雖出處內外猶以言責爲

沈氏三先生文集

卷第五十九

二

川七上

已任大要以威福當歸人主而規廟上意皆陳天戒朝
廷竦然執政者憚之及爲江東轉運使入辭仁宗嘗勞
公曰吾極知卿清正數諭執政尙未來請得無不悅於
其意耶公拜稽首辭以不佞未幾乃召還修起居注遂
知制誥有司言公自爲御史官十餘年不遷上以爲廉
於是進秩二等以褒賞焉在青州時仁宗宴駕哀號盡
禮一夕鬚鬢皆白官吏愕然知公爲忠義之至也歷蘇
杭青三州鎮所至皆留滯久之有以不容規公曰吾孤
立無援姑盡直道豈可屈哉其爲政常若不屑意方其

撫納指擿莫不造禮當時號嚴明凡與人交固少與可
及已知之終不可開所不與者亦不苟合以爲懽平居
清澹無他嗜好唯書畫研墨焚香烹茶以爲娛爾所爲
文章論事似賈長沙下筆逼歐陽率更皆其所喜者自
先內閣時田疇生業甚厚皆歸諸昆弟而未嘗復間歲
得任子亦先諸族比其終二子七孫迺未薦公卿尤賢
之以爲不可跂及歷職旣多在東南最愛錢塘之靈隱
以爲山水當爲天下第一而公之幽宮乃卜於寶峰葬
後三年仲子垆爲圖其像作堂于寺之西軒以申公志
沈氏三先生文集 卷第五十九 三

夫世云不刊之文
得此浮碧軒記
文慧師始作南漪堂成客有湖山之賞者必造焉駕車
馬者蓋相續御舟舫者軸相銜文慧師顧其人可與游
者與之其所不者亦不拒絲是往來之士惟懼其至之
後也後三年客至益繁師曰吾寧爲是紛紛者歟使我
安所適乃築次于其東中間五筵爲宴坐之所而其趣

尤清曠平澹與其志相宜也尙書郎元君始至爲篆其榜曰浮碧軒而游者復至焉凡出西城者不至浮碧爲不能盡其勝一曰文慧訪余曰昔作南漪爲客館也所以不拒人者以爲人皆假物以適其性唯山水之勝人皆宜之我欲使人人皆得其樂也令我作此軒而又至焉我乃不得其所我學清淨者也安得一語之使毋恩我而人得其樂乎余曰然亦何憚正爲來者不知意爾吾師能使人得其樂而人於吾師何獨不然豈人情也哉文慧曰善於是爲述其意以告來者若浮碧之著

沈氏三先生文集

卷第五十九

四

川士

景與文慧師之爲人有吾友關彥長之南漪堂記云熙寧元年八月十五日

東上閣門使康州刺史陶公傳

陶弼字商翁五代祖矩自九江徙祁陽晉太尉侃之裔也今爲零陵人父岳始讀書爲儒者博涉無不通仕至職方員外郎弼少倣有器識能傳其父辭長於歌詩有傳于世以其古雅疑爲古人也或曰此零陵布衣耳以是稱學士大夫數以仕進不利滋不羈宕蕩江吳間好事者多從其游所至人皆稱商翁而不名也妻丁氏

故晉公謂之姪晉公自南海還老於光山弼依門下弼年多所聞知持論頗縱橫習世故不復陋於鄙矣雖晉公之緒餘亦其資易悟也皇祐中常寧夷唐和反使者楊旼奉詔專誅弼入謁與語旼大喜以爲能給兵攻桃由平大破之表其功授衡州司士取太平峒始調陽朔主簿爲柳州司理參軍於是廣源蠻儂智高叛楊旼爲安撫使召弼掌機宜未至旼方下英江而賊釋番禺之圍出臨賀弼捨舟從其驚卒數十人閒關步出太平場以赴旼適大將蔣偕敗一軍數千人皆沒偕死三日矣

沈氏三先生文集

卷第五十九

五

川文上

散卒已當斬往往奔賊求降弼出山閒數與亡卒遇一夕矯旼命以帛爲幟使從者行招其兵隨自將益削木爲榜許與不死比至臨賀得卒尙千五百人又矯旼命給藉驛餉之旼方圖其功而旼召還乃罷歸選陽朔令治甚有威惠其教民者不以句釘爲能邑在山徼少林木輒課人植所易茂者夾道行不旬歲行者悉庇其林蔭于今懷之弼嘗攝興安令以靈渠爲久敝乃條其利病以書屬太守蕭固請治之曰日者廣源蠻爲害久不制且煩天誅其出必資是爲塗方無事時公私力完易

就宅時卽公之功也固不聽後交趾反上出武庫兵以
賜將士奉使者漕安南兵費數百萬計卒用之秩滿遷
大理寺丞監潭州糧料院李中師奉使嶠西薦其才遂
知賓州因使浚靈渠上已知弼能矣因欲屬南方事卽
擢拜崇儀副使知容州明年遷六宅副使知欽州州舊
治寧越徙新城未久上下悉草舍弼始教人坯陶爲瓦
屋未暮堂堂多大厦至今視他州爲雄治平二年遷崇
儀使知邕州寇新平井隧蕩然人不復以生爲樂而蕭
注以貪暴不治罷及弼至力能惠養之而其峒豪恃注

沈氏三先生文集

卷第五十九

六

川文上

爲橐囊益虛斂其下不堪命弼使人喻以威福不易貸
乃少戢稍循法令然復苦交趾爲侵暴諸酋更來獻其
土物請內附弼爲降意謝遣之諸酋仰曰陶公我父母
也誓不負我公明年夏大雨水而邕城庫下長老言昔
嘗困水害殺數千人弼乘城眺其三邊皆水也旣集矣
趣吏下令出其耄倪上北山以避害益發屯騎雄略二
軍以戍之已而水大至弼身操版築傅城下召屬吏督
諸兵分受役上下已完備益爲土囊數千置通道中數
日雨尤暴井泉溢積壤皆涌水於是獲土囊之利內外

乏食矣爲發廩以振於內方舟以饜於外當是時水不
逝者三版耳及水降卽無一人死者自橫尋以東數州
皆沒矣秩滿加右驥驥使復留邕在邕凡五年納附降
者數千百人藉其租比國人弼久乘瘴厭之請使藩得
鼎州察訪使章惇治辰谿蠻薦弼材詔徙辰州遷皇城
使明年遂成疾足弱不長行求罷有詔撫納北谿蠻加
忠州刺史交趾之亂復知邕州王師大出而賊已去殘
其三城無噍類幸逃山間猶朝夕股慄弼受詔與左右
數十騎直入左江峒民知弼至始入保宣撫使郭達御

沈氏三先生文集

卷第五十九

七

川文上

大軍躡賊臨富良江度賊且降以弼爲能得其人且專
功使爲後殿賊使人以檄求降爲計者達得檄卽以中
夜旋不先令也大將旗鼓已行而前軍尙弗知騎步相
蹂藉亂行賊方柵江左使人來覘知弼爲殿也乃不追
弼方嚴軍不動遲明而後引不然大軍且敗先是達上
劉紀所棄廣源峒以爲功朝廷以爲順州縣機郎焉及
其旋以爲它將不足守乃薦弼詔遷西上閣門使知順
州其地出邕城深入二千餘里山惡多毒草瘴氣時弼
老矣在辰谿已數請致軍事及是怏怏不得志數謂賓

吏曰吾受國恩厚不敢辭也順之戍兵纔數千戍久率
苦癘聞粵之士死者十常七八北軍生還者十一二弼
亦疾甚然蚤莫勞軍視其良苦意氣激揚雖甚剛戾者
莫不感泣病卒亦悉奮起願爲之用交趾欲復其故地
也先襲機郎奪之將進攻廣源獨難弼不敢進以弼在
邕時恩信及其土豪也交趾所欲爲弼必先知謀至土
豪皆執以獻喻以逆順輒不殺縱去由是心服至弼死
終不敢犯朝廷以弼求歸遷東上閣門使不拜復表其
疾以爲邊徼憂以其年卒弼少時遊吳行山閒有二鯉

沈氏二先生文集

卷第五十九

八

川文上

魚戲谿上水弼竝觀之旁有老父顧曰此龍也行且鬪
君亟去勿停弼去百步所大雷震而雨其旁岸皆圯大
木拔又出大雲會遇暴風颺怒一日二十七艘皆溺獨
弼一舟濟時人以是奇怪之爲人樂施好士平時所得
俸祿悉以與人楊旼死弼折錢五千給旼家踰二十年
弼死分已而家至貧不恤也父時有田業甚豐及弼遊
宦悉爲其昆弟蕩費之而弼未嘗言弼之死其妻在鄉
里僦居爾論曰弼生邊鄙爲儒者子以辭章稱於世足
矣顧豈知功名事業蹈古人風烈哉治廣源時病寢劇

數請老矣猶區區以恩德輯柔羣醜保其孤城死之日不以一言及私其忠毅於是有足悲者故敘之

任社娘傳

吳越王時有娼名社娘者姓任氏妙麗善歌舞性甚巧其以意中人人輒不自解蓋其天媚者出於天資乾興中陶侍郎使吳越陶文雅醞藉有不羈之名神宗深寵睠之王知其爲人也使使謂社曰若能爲吾盡使者我重賜汝社卽謝王曰此在使者何如然我能得之必假王寵臣使我居客館然後可爲也王許諾社卽詐爲閨

沈氏三先生文集

卷第五十九

九

川上

者女居窮屋服弊衣就門中窺使者使者時行屏開社故爲遺其犬者竊出捕之悚懼遷延戶傍陶一顧已心動其莫出汲水駐立觀客車騎甚久陶復覘之然而社未嘗敢少望使者也明日王遣使勞客樂作社少爲塗飾雜羣女往來樂後以縱觀陶故逸蕩其性旣數日社因劇飲爲歡笑會且罷使者休吏就舍是時客使左右非北吏多知其事吏旣出使者獨望廳事上社繆爲不見使者復出汲水方陶意已不自持乃呼謂社曰遺我一盃水來社四顧已爲望見使者乃大驚投鬢餅拜而

走陶疾呼謂社曰吾渴甚疾持入來社爲羞澀畏人久
之方進使者曰汝何爲乃自汲頻動不應復問之社又
故作吳語曰王令國中有敢邀使客語者罪至死矣陶
曰汝必死復何憚我也令汝不死迺強持其手曰我閨
中故靜我與汝一觀社固辭不敢卽強引入閨中排置
榻上曰敢動者死社卽佯噤不敢語陶卽出呼吏喜曰
持燭來吏進奉燭燭來已具吏引闔其戶而去社曰我
賤不可我歸矣比其就寢甚艱難已而晝漏且下社曰
我安從歸陶曰我送汝矣然明日復來我以金帛爲好

沈氏三先生文集

卷第五十九

十

川文上

也社曰我家貧受使者金帛是速我死然我生平好歌
爲我度曲爲詞使我爲好足矣陶許諾乃爲送至其家
然尙不知其爲倡也使者明日見王王勞之語甚歡旣
還館爲作歌自歌之歌曰好因緣惡因緣柰何天祇得
郵亭幾夜眠別神仙琵琶撥斷相思調知音少待得鸞
膠續斷絃是何年是夕書以贈之明日王召使者曲宴
於山亭命倡進社之班在下其服之褻博陶頗不能別
也王旣知之從容謂陶曰昔稱吳越之女善歌舞今殊
無之未知燕趙之下定何如也陶曰在北時聞有任氏

者今安在王曰公孰得之陶曰久矣王乃使社出拜陶
熟視而笑知其爲王所蠱也亦不以爲意而社遂歌其
詞飲酒甚樂社前謝王王大悅賜之千金明年北使來
請見社於王王命社出使者曰昔謂何如今乃桃符社
應聲曰桃符王爲客厲所畏使者不悅已而又嘲社者
社如龜策何客不鑽社曰客兆得遊魂請眠其文使者
大慙明日王賜于金後社之家甚富旣老矣將嫁爲人
妻迺以其所居第與其橐中金百萬爲佛寺在通衢中
自請其榜於王王賜之名所謂仁王院者也至于今其

沈氏三先生文集

卷第五十九

士

川又川

寺甚盛

美哉以余初聞樂章事云在胡中蓋不信之然其詞意
大憚則可考者宜在他國及得仁王院近事有容言其
城雖始終頗異乎所聞因爲敘之寺爲沙門者多倡
飄蓬曰家余所知凡數輩其詩書不絕口而又賦詩
其代人上太守求薦書首曰昔聞時賦今代遊符
某官閣下古人有言曰知而後知是謂重知時然後言
人不厭其言某竊嘗誦之矣若某者勢孤而無援謀拙
而數奇承先公緒餘以從諸吏之行甚自愧也昨試吟

於東邑也自強其不肖之身朝夕從事於民政方新法之初布宣條教加安南之役師旅在境於是時也豈敢必其不敗哉數欲投劾而去矣時以閣下有古人之德著當世之望某竊不自揆爲可竭駑駘之效於此庶乎一顧之遇也已而將事于幕府乃蒙從容之對賜之教言許以卯翼生成之恩某再拜奉之不敢失墜是則閣下之爲知某也然有不幸不得而訊者遽奪於後來卒失於垂成某竊自安之曰命也夫某之於閣下必不蒙戾以自棄也閣下之於某必不納謗以置疑也然今日沈氏二先生文集

卷第五十九

十一

川文士

之復求於麾下豈必零陵之粟爲可苟而三水之魚爲可食哉拳拳於中者不敢忘閣下之然諾也此所以勸閣下之復知者也某雖不敏也不敢效薄惡者以其浮譽必曰邀閣下之識某雖不材也不敢效闇懦者佞悅必曰邀閣下之知其技之斷斷情之憂憂誠未敢後於人也閣下亦詳而察之歟前日閣下之剡章也某方在鄙圭執必未能先左右之士及其上也豈敢必追閣下之言乎苟或追之宜必厭之是以不敢言也來歲之章此其當言之時也金石之信既在前矣某之身亦在左

右矣儻於是一薦之恩不獲出門下者某誠何人哉或曰閣下以某之疾爲不足以辱清舉伯牛之病不閒四科杜顧垂瘳功平吳命況某之疾行且愈矣是以不敢後它人而求閣下之重知者而又當是之時閣下必不厭其言也誠直言切不復敢文惟閣下幸察之去矣

代人上長沙謝諫議

某官閣下某蒙鈍不肖則滎陽之世嗣也行能無取則零陵之下吏也以不肖之嗣爲無取之吏而輒有聞於閣下者竊意閣下必有以憐之有以成之是某言亦爲

沈氏三先生文集

卷第五十九

三

川志一

罪不言亦爲罪也惶恐惶恐某昔者爲令於東邑也方閣下領湘南之節來鎮南夏某於是時引領企踵而望下風焉欣然望曰閣下當知某也將成某者必閣下也朝思之夕志之日引而月申焉欲決一奇策奮一昌言以求閣下之知且三年卒無獲焉悵悵乎遂將去矣既而出上府望旗檠進謁於左右拜台光於堂下伏蒙閣下一顧之坐隅賜之話言懊懊乎誠有以知閣下之不棄某也退而懟曰不肖之嗣其自棄也歟無取之吏其自蔽也歟王公大人不汝棄不汝蔽也於是天與之幸

焉乃有督郵之命持檄而來陳力就列者復三易月矣
督郵賤有司也蚤夜抱案牘受命于州將之前句釘之
是勤出納之是司又復將奮昌言決奇策以求閣下之
知是必知其無有也然竊聽於道路之言方今台鼎有
虛位上意矚舊人閣下行西召而升機柄之任某之愚
其有望於閣下者豈可在他人後哉且湘南之吏上下
無幾人其敢有望於閣下者亦閣下之所知也某伏自
惟念先公文簡之嗣在今日如涸轍之魚喁喁然其不
枯而活者已無幾賤有司之吏如陰崖之木悄悄然其
可度而材者亦無幾若某者閣下亦憐而成之乎州將
之薦先於幙中者二年矣固不敢冀也然知某者三使
臺也既皆薦之矣某亦四補吏而七書考矣猶陶之將
器者也一失於此其淪于沙礫而泥滓乎韓非論說之
難不如聽之難子產以謂不言誰知其志某之志也亦
可哀也其進言于閣下之前且不究況是區區尺牘之
閒哉往愚拙直于冒鈞聽無任惶恐之至

代人獻利害書

某官閣下某竊謂禮樂刑政爲教化之具者莫不有極

惟治財之法所以利病于世爲無窮故曰法弊則變變
乃通此古今之大要也治亂得失繇是上焉方今朝廷
修明法度以致太平其所作興者旣已備矣而於利病
之術尤纖悉也上出于論思左右之臣下逮於市井薊
蕘之士皆能畢智竭慮以申其說非特利于公上也亦
以利其已也於是四海九州固有內外莫不蒙其利矣
朝廷以爲它使者不足以總統其事故建官焉必擇其
通明博敏之人以任之行之數年於寵遇之數今復有
隆于前日矣非有位于朝不使也欲其勢重足以有臨

沈氏二先生文集

卷第五十九

五

川文上

也非有名於世不擢也欲其才刃足以有斷也卓然之
隆者也若某者蒙鈍不肖之人也何足以知利病之權
歟結髮從仕甫二十年三遇銓選矣屢身悉力適無敗
事當塗過聽以爲能論薦者蓋有之矣其采而知之者
亦不絕焉昨爲合東安也方新法之行吏民不知所向
加之師旅在境勞徠之不暇某于是時推行措置莫不
盡理亦幸免焉非曰能也不敢忽故皆慮之不敢懈故
皆躬之爾今之爲掾史非有可專者也毫釐而必承之
朝夕而謹視之而已本局有苦酒之法誠無利而有害

盜獨一州乎天下皆是也及役錢有過費或可財省者
試條其一二具於別牘唯閣下采擇焉前日閣下之按
部也竊伏諸吏之行瞻望下風其有所陳者必降心而
詢訪之其有可行者必馳檄而號布之小大之吏獨悵
其無蘊耳苟蘊之孰不願陳於閣下之前也某乏困放
賤吏也竊懷區區焉所謂利於己者非特此一事也敢
因布其腹心以求閣下之知遇焉庶以考察其愚不可
謂無意於其閒者也干冒尊嚴無任惶恐之至

代人投半刺書

沈氏三先生文集

卷第五十九

六

川上反

某官閣下古之士進謁於先達公卿之門者必有贊士
之贊羔雁也羔雁云乎哉亦以徹其誠而已其誠之著
於外於是知禮者正賢否決嫌疑此其所以有贊也羔
雁之贊廢久矣至唐之儒者將進謁於先達公卿之門
以古贊爲違眾於是始以其所業文代之其所以致誠
一也若某者州閩之賤士也不幸先人仕宦不及顯而
奄然棄諸孤某宅是弊廬恪是遺訓不敢失墜有懼論
辱先人教敕諸子者曰爾爲士先王之道雖在方策其
所學者古之人不得而見之今之世有先達之名公大

人苟至吾州者必造焉毋以爾爲愚而自棄也趨風而拜傾耳而聽幸而蒙一顧之重一言之教豈若是窺陳編呶糟粕而已哉譬猶日月之明雨露之澤臨燭而沐浴之者可以爲終身之賜也小子不敏朝夕不敢忘而州乃甚僻左其至於斯者或持節以使一方或總百城而臨之貳之皆先達之人也某未始不造焉其蒙一顧之重一言之教者爲不少矣佩之刻之是以爲終身之賜也某不佞竊伏閣下之名舊矣今迺身郎官之尊半刺史之任而臨是諸吏撫我百姓斯吾州之大幸也某

沈氏三先生文集

卷第五十九

七

川三又

輒不自揆而將進謁焉數日矣或曰子執親之喪未有不篤于禮者也今旣祥練而以其龕服登有位之門其亦安乎某曰所以遵先人之訓也古之人自晉襄墨縗以來何嘗不預朝廷之事矧是拳拳之先志也將俟終喪而進焉則先人之訓不早墜歟此乃某之未安也是以揆日潔誠而徹名焉某之文鄙拙不足以污閣下鑒矚姑以其誠而獻亦與夫狂狷之士持一漫刺而干典謁者爲有閒矣冒聞左右伏俟報命進之以爲幸退之以爲愧未可知也無任瞻望之至

某官閣下韋布之士韞其志業有得於古人之誼不肯
錄錄於世者莫不求知於先達之門汲汲乎遑遑乎苟
有知者古與今皆是也然其勢有不同者昔之士進謁
於先達也重重故不苟今之士也輕輕故不信昔之先
達其接士也難難故觀其志今之先達也易易苟不卻
之而已爾是以古之士雖在衡茅畎畝之間能揚名顯
行於一時者其進不苟而先達者能觀其志以將其名
爲襃褭之也若夫先達者非有高才美德不足稱也非

沈氏三先生文集

卷第五十九

六

三十一

有大名顯位不足附也維有其材故能觀之維有其德
故能來之維有其名故能伏之維有其位故能總之於
是四者苟無一焉不足以延士士亦何所求焉孔子謂
言游曰汝得人焉爾乎武城小邦也聖人之志於是其
可觀也若某者窾啟不肖之士也頑頓而不佞鄙朴而
無文少承先人之教求學於古人之誼其亦久矣不幸
先人仕宦不終蚤棄諸孤墮墮之田不足以耕污潢之
池不足以漁三求薦於有司而無一獲其亦無庸於世
矣此材之不足者也亦命也今則已矣然不敢負先人

之教而失其所操守苟先達之至於是也必從容而進
謁焉且將求其知也或欣然以爲可教或茫乎其若不
聞非某有所苟也亦今之勢然也伏惟閣下之材之德
之名之位小子何足以形容而遽數之哉今日之望於
門下也非特桑梓禮也瀟水之望資江一葦爾所以願
見而求之者不止在政化之下也所以瞻仰而依附者
且蘄有終身之遇又將至於不朽也寧若小夫之子子
持一慢滅之刺盜竊昔人之言以爲先面之資哉若某
之志庶幾乎承一言之重而採擇焉宅時爲不辱於門

沈氏三先生文集

卷第五十九

九

川文士

下者也竊惟閣下之施爲於功事者朝廷旣已知之矣
行且迅召而亟升之翱翔乎青雲之上矣儻未然也授
之使節以經制於一方則朝夕爾甚非敢諛也道路之
所洽聞者也是以不敢后於眾人而求進焉閣下幸與
其進也而觀之苟以其介介之志爲可教者則閣下進
拜而行也爲有得焉以將其名於無窮爲使不錄錄於
世矣惟閣下觀其始來之意而察其篤守之行以知之
則某今日之干典謁也平生之遇也閣下留意焉拳拳
之所望者不止乎不卻之而已爾干冒槩戟不任悚慄

之至

沈氏三先生文集卷第五十九

沈氏三先生文集

卷第五十九

三

〇 〇 〇

浙江書局刊

張大昌校

姚 煥校

鮑家瑞校

補遺

與蘇世美殿丞二帖

近者幸得瞻奉實慰嚮往比復詣館穀乃行矣即日伏
惟榮歸林下動止休福不審車馬早晚東下會晤無由
但有馳想暑甚敢希善愛以對光寵區區所望也

近幸款奉少慰傾向不審還止嚴邑動止佳否某區區
更三五日遂還明方遠顏色千萬善愛子光居喪無恙
尙未出數求見之欲借小舫至杭親省不知局中有否
不然儼一航亦可賤累且 首矣 播芳大全

沈氏三先生文集

卷第五十九

三

1234

與蘇世美殿丞二帖

姚煥

